



Beasaingo Udala

Beasainen, bi mila eta hemeretziko otsailaren hogeita batean

BILDURIK

Alde batetik, BEASAINGO UDALA, Aitor Aldasoro Iturbe jaunak ordezkaturik, Beasaingo Udalaren Alkate-lehendakaria, Toki araubidearen oinarriak erregulatzen dituen apirilaren 2ko 7/1985 legearen 21. artikulua.

Bestetik, HIJOS DE MARTIN Y LOINAZ ANTZERKI ELKARTEA (IFZ.: G75115485), Ana Alonso Garcia and. (NA 08925452A) Hijos de Martin y Loinaz antzerki elkartearen lehendakariak ordezkaturik, 2014ko uztailaren 18ko batzar orokorrean hartutako erabakiaren arabera.

AURREKINAK

- I. Hijos de Martin y Loinaz antzerki elkarteak giza jarduera aski ezagunak egiten ditu, batik bat antzerki munduan, euskaraz eta gazteekin.
- II. Kultur sustapenean biziki laguntzen du, urtean zehar hainbat jarduera programatuz.
- III. Antzerki eskolak euskaraz ematen ditu Urbietako Arte plastikoetako zentroan.
- IV. Azken urteetan Loinatz Jaietan Mariren pregoia aurkezteko lana hartu dute bere gain.
- V. Hitzarmen honen helburua Hijos de Martin y Loinaz antzerki elkarte eta Udalaren arteko harremana erregulatzea da.

BALDINTZAK

LEHENA.- Hijos de Martin y Loinaz antzerki elkarteak, udazken kulturalaren programazioaren barruan antzerki bat egiteko konpromisoa hartzen du Usurbe Antzokian.

BIGARRENA.- Urrian, Ondarearen Europako jardunaldietako programazioan parte hartuko du eta Igartzako Monumentu Multzoan bisita gidatu antzetzua egingo dute. Horretarako antzezlanaren gidoia idatziko du, bilerak, entseguak, arropak eta atretzoak prestatuko ditu.

HIRUGARRENA.- Beasaingo Udalak jarduera horietan parte hartuko du **1000 €**-ko diru-laguntza emanez.

Udalak ematen duen diru-laguntza bateragarria izango da helburu berdinetarako elkarteak jasotzen dituen beste laguntzekin. Jasoz gero, ezagutu bezain pronto, Udalari jakinaraziko dio eta horrek hitzarmena berrikustea ekarriko du.



Hijos de Martin y Loinaz antzerki elkarteak bere erantzukizunpean adierazten du, betebeharrak fiskaletan eta gizarte segurantzarekiko betebeharretan egunean dagoela.

LAUGARRENA.- Beasaingo Udalak Hijos de Martin y Loinaz antzerki elkarteak aurkeztutako kontu-zenbakian hitzarmendutako zenbatekoa sartuko du.

BOSGARRENA.- Hijos de Martin y Loinaz antzerki elkarteari dagokio hitzarmendutako jardueren beharrezkoa den publizitatea egitea eta Beasaingo Udalaren laguntza (eta logotipoa) aipatzea beraiek antolatutako jardueren buruz egiten dituzten prentsarako ohar guztietan. Era berean, leku duin eta ikusgarrian aipatu beharko dira Beasaingo Udalaren laguntza, kartel, aldizkari, esku-egitarau, e. a., motatako zabalkunde-bitartekoak erabiltzen direnean.

SEIGARRENA.- Hizkuntz Politikako irizpideak jarraituz, idatziz sortzen diren material guztietan (kartel, diptiko, eskuliburu, apunte etab.) euskarari lehentasuna emango zaio eta materialen zirriborroak inprimategira eraman aurretik Udaletxera ekarriko dira testuen hizkuntz egokitasuna eta proportzioen zuzentasuna ziurtatzeko. Aurkezpenetan eta antzekoetan ere euskarak lehentasuna izango du.

ZAZPIGARRENA.- Hijos de Martin y Loinaz antzerki elkarteak, publizitate bidez finantzatzeko dituen diptiko edo beste edozein inprimakiren kasuan, dendariak euskarazko publizitatea eros dezaten ahaleginduko da eta, bestela, publizitatea bietara jasotzeko ahalegina egiteko konpromisoa hartzen du.

ZORTZIGARRENA.- Udalak hizkuntzari dagozkion arlo guztietarako bere laguntza eta lankidetzak eskainiko ditu.

BEDERATZIGARRENA.- Beasaingo Udalak beharrezkoak diren Udal zerbitzuak eskaintzen jarraituko du, esandako jarduerak ongi burutuko direla ziurtatzeko eta horien antolaketa gainbegiratu ahal izango du.

HAMARGARRENA.- Beasaingo Udalak Hijos de Martin y Loinaz antzerki elkarteak aurkeztutako kontuan hitzarmendutako zenbatekoa sartuko du jardueren burutu baino lehen, eta Hijos de Martin y Loinaz antzerki elkarteak urtea amaitu baino lehen udalaren esku utzi beharko du ondorengo dokumentazioa:

- a) **Jardueren azalpen memoria, bertan ekitaldi guztietan egindako hizkuntz erabilpenaren berri zehatza eta arrazoitua eman.**
- b) **Fakturak edo eskuratutako dokumentuak, ahal bada originalak, edota fotokopiak, egindako gastuen egiaztagarri.**
- c) **Idatziz sortutako materialaren ale bana aurkeztu beharko ditu.**

HAMAIKAGARRENA.- Hitzarmen hau betetzeari dagokion guztirako, Hijos de Martin y Loinaz antzerki elkarteak, Alkatetzak honetarako izendatzen duen pertsona edo pertsonekin izango ditu zuzeneko harremanak.





Beasaingo Udala

HAMABIGARRENA.- Emakumeen eta Gizonen Berdintasuna babesteko klausula.

Emakumeen eta Gizonen Berdintasunerako otsailaren 18ko 4/2005 Legea betetzea; bete ezean, bertako 24.2. eta 25.2. artikuluetan xedatutakoarekin bat etorriz, Udalak ez du diru-laguntzarik emango.

24. Artikulua- Elkarateak eta erakundeak

2. Euskal herri-administrazioek ezin izango diete inolako laguntzarik eman kideak aukeratzeko prozesuan edo lan-jardunean sexuaren ziozko bereizkeria eragiten duten elkarate edo erakundeei.

25. Artikulua- kultura jarduerak

2. kultura-jardueraren batean, hor sartuta jai kutsukoak, artistikoak, kirolekoak, eta euskararen normalkuntzaren arlokoak, sexuaren ziozko bereizkeria egiten bada, euskal herri-administrazioek ezin izango diote jarduera horri inolako laguntzarik eman, edo administrazio horien ordezkariak ezin izango dute jarduerotan administrazioaren ordezkari gisa parte hartu.

HAMAHIRUGARRENA.- Datu pertsonalak babesteko klausula.

- A. 1999ko abenduaren 13ko 15/1999 Lege Organikoan (DBLO) ezarritakoa betez, alegia, Datu Pertsonalak Babestekoan, alde bakoitzak erasandakoen baimen informatua lortzeko ardura izango du, hain zuzen ere, hitzarmen honen xede diren jardueren garapenean beharrezkoak diren beren datu pertsonalen tratamendurako. Era berean, alde bakoitzak hitzarmen honen xede diren jardueren garapenean erabilitako datu pertsonalen konfidentzialtasuna bermatzeko ardura izango du.
- B. Hijos de Martin y Loinaz antzerki elkarateak Beasaingo Udalari datu pertsonalen lagapena eginez gero, uneoro, beren datu pertsonalak lagatzeko erasandakoen baimen informatua duela bermatu beharko du.
- C. Alde bakoitzak egin litzakeen indarrean dagoen datuak babesteko araudi honen ez-betetzeetatik letozkeen ardurak bere gain hartuko ditu

HAMALAU GARRENA.- Aurreko edozein baldintza behar bezala ez betetzeak hitzarmen hau berrikustea ekarriko du.

Eta esandako guztiarekin ados egonik, bildutakoek dokumentu hau urte baterako sinatu dute bikoizturik, goiburuan aipatutako data eta lekuan.



